

Zu Lübeck wird auch ein Weizen
oder Weiß Bier/ neben ihrem Kotte
Biere/ gebrawet/ welches seer gut ist/
Vnd hat fast die art des Hamburger
Biers/ Ist aber doch nicht so gar starck vñ
fressig/ als dasselbige / Zu Lübeck in der
Stadt/ zu Dantsche / Kopenhagen vnd
Sennemarck/ neñet mans/ Lübischen Is-
rael / kan nicht wissen aus was vrsachen/
vielleicht von wegen seiner krafft/ das es
mit den Leuten ringet / Wie der Erzvater
Jacob/ mit dem Engel gerungen hat/
Laher Jacob von dem Engel/ Israel ges-
nant worden ist.

Bremer Weiß Bier.

Das Bremische Weizen / oder
Weiß Bier / ist auch ein wolge-
schmack vnd gesundt Bier / das
wol nutriert/ vnd alterirt / auch
nicht zu straffen stehet / obs gleich fem
Hamburger Bier ist/ Den eine jede Stad/
hat ihre Gaben für sich von Gott/ wie es
der Herr einem jeden ort verordnet/ ver-
henget/ vnd gegönnet hat / Ich habe diß
Bier etliche Jhar getruncken/ vnd ist mir
wol bekommen / bin dauon wol zu Passe
gewesen / vnd gesundt geblieben/ die ganz
ze zeit vber/ weil ich in der Hochlöblichen
Stad Bremen / des Thumb Capittels/
Prælaten/ Ritterschafft/ Stedte/ vnd ges-
meiner